

CAPUT XLV.

Aliorum de purgandi tempore
sententiæ.

Infigne illud *Coi* præceptum *apbor. 29. libr. 2.* propositum non nulli susque deque habent, aque illò secedunt.

I. NEAPOLITANI quidam medici, qui in ardente numerum observant dierum, & perpetuò ad purgandum quartum eligunt diem, referente *Donato Antonio ab alto mari librò 3. de medendis febribus cap. 2.*

II. Imitati hoc sunt SICILIANI quidam medici, quorum coryphæus *Jobann Baptistæ Cortesius*, qui *miscellaneor. medicor. decade 7. cap. 6.* hanc sententiam pro & contra ventilat, & tandem affirmativam amplecti videtur, adserens; *Hæc difficultas non spernenda, & quæ plurima ingenia hæcenus contorsit, eam probabilem facit.* Hi nullâ turgentia habitâ ratione neglectâ, omni de purgante medicamento consideratione, quartò die instante in acutis & ardentibus febribus indistinctè pharmacum exhibent, tantâ confidentiâ, ut existiment, non purgatos eò die omninò esse interituros; si verò reconvalescant, non artis beneficio, sed casu ac fortunâ id evenisse.

Sententiam hanc confirmant tum autoritatibus, tum rationibus.

AUTORITAS est *Hippocratis 4. de acutorum victu*, si si quidam alvum habenti supervenerit causus, & purgatio idonea videatur, eam non primis tribus diebus adhibebis, sed quartò.

II. Paulò post scriptum reliquit; purgare oportet ante quintum diem. Ergò quartò, qui præcedit quintum immediate.

III. Et paulò inferius textu 76. purgans administrabis, inquit, quartò die.

IV. Idem librò 4. de morbis t. 45. quicumque febre continente